



POLISI A GWEITHDREFNAU CYDNABOD DYSGU BLAENOROL YM MHRIFYSGOL ABERTAWE

1. RHAGARWEINIAD

At ddiben y ddogfen hon, mae Cydnabod Dysgu Blaenorol yn cyfeirio at y broses a ddefnyddir gan y Brifysgol hon (a llawer eraill) i gydnabod dysgu a gyflawnwyd gan unigolyn cyn cael ei dderbyn i raglen astudio yn Abertawe.

Yn Abertawe, mae'r term yn cwmpasu'r canlynol:

- a) **Trosglwyddo Credydau** – lle dyfarnwyd credydau neu gymhwyster gan sefydliad addysg uwch yn y DU fel rhan o gymhwyster ffurfiol neu gan sefydliad y tu allan i'r DU fel rhan o gymhwyster cyfwerth;
- b) **Cydnabod dysgu tystysgrifedig blaenorol (RPcL)** – dysgu blaenorol (megis dyfarniadau datblygiad proffesiynol neu ddyfarniadau sy'n seiliedig ar gyflogaeth) sydd ar lefel addysg uwch ond nad yw wedi arwain at ddyfarnu credydau neu gymhwyster addysg uwch;
- c) **Cydnabod dysgu blaenorol trwy brofiad** – lle mae dysgu a gyflawnir drwy brofiad yn cael ei asesu a'i gydnabod.

2. EGWYDDORION CYFFREDINOL

Ni waeth a yw cais i gydnabod dysgu blaenorol yn seiliedig ar drosglwyddo credydau, dysgu tystysgrifedig blaenorol neu ddysgu blaenorol drwy brofiad, mae'n bwysig sylweddoli mai cyflawni'r dysgu neu ddeiliannau'r dysgu hwnnw sy'n cael eu cydnabod yn hytrach na'r gweithgarwch dysgu ei hun.

Cyfrifoldeb y sefydliad derbyn, h.y. Prifysgol Abertawe, yw penderfynu faint o gredyd penodol i'w ddyfarnu i fyfyrwr unigol drwy Achrediad Dysgu Blaenorol, yn seiliedig ar lefel, hyd a lled a pherthnasedd canfyddedig y deunydd (yn seiliedig ar wybodaeth a sgiliau) yn y rhaglen neu'r cymhwyster sy'n cael ei gynnig gan yr ymgeisydd o'i gymharu â'r rhaglen astudio mae'n bwriadu ei dilyn ym Mhrifysgol Abertawe.

Fel arfer, dylid cyflwyno ceisiadau i Gydnabod Dysgu Blaenorol ar adeg cyflwyno'r cais am le ar raglen astudio – a chyn i'r myfyrwr gofrestru ar y rhaglen.

Gellir cydnabod dysgu blaenorol ar gyfer modiwl cyflawn yn unig, ac nid ar gyfer rhan o fodiwl.

I raglenni gradd Anrhydedd israddedig a graddau Cychwynnol Uwch, uchafswm nifer y credydau y gellir eu derbyn a fydd yn cyfrif tuag at radd gychwynnol fydd:

- * ddim yn fwy na 240, h.y. rhaid i ymgeiswyr ddilyn isafswm o 120 o gredydau yn Abertawe fel arfer. Lle derbyniwyd uchafswm y credydau trosglwyddadwy, rhaid i weddill y credydau a ddilynir fod ar Lefel 6 neu'n uwch, neu
- * fod yn uchafswm o 120 o gredydau drwy ddysgu "drwy brofiad" neu "dystysgrifedig" (h.y. cymwysterau proffesiynol)

Gall myfyrwyr ôl-raddedig a addysgir hawlio Cydnabyddiaeth am Ddysgu Blaenorol am uchafswm o draean o uchafswm nifer y pwyntiau credyd ar gyfer dyfarniad. Ni chaiff Cydnabyddiaeth o Ddysgu Blaenorol ei chymeradwyo mewn perthynas â chydran traethawd hir neu ddysgu annibynnol a arweinir neu gyfwerth a gymeradwywyd rhaglen (h.y. modiwlau interniaeth/lleoliad).

Fodd bynnag, mae'r eithriadau canlynol yn berthnasol, a chaiff myfyrwyr gyflwyno cais am achrediad am ddysgu blaenorol ar gyfer y rhaglenni canlynol:

- Ymarfer Cyfreithiol, Diploma Ôl-raddedig – 90 credyd o 180
 - Diploma i Raddedigion yn y Gyfraith – 60 credyd o 120
 - Graddau Nyrsio cyn cofrestru – 180 credyd o 360
 - Cyn-gofrestru Therapi Galwedigaethol – 120 allan o 360
- Ni chaniateir Dysgu Blaenorol Achrededig ar gyfer bydwreigiaeth cyn cofrestru.**
- Cymwysterau Gwyddor lechyd ar ôl cofrestru – 240 credyd o 360
 - Ynghyd â 40 o gredydau ychwanegol ym mlwyddyn 3

Efallai y bydd ymgeiswyr yn dymuno ystyried goblygiadau ariannol sy'n gysylltiedig â Chydnabyddiaeth Dysgu Blaenorol (RPL). Gall hawlio RPL effeithio ar gymhwysedd ymgeisydd am fenthyciad ôl-raddedig a chynghorir ymgeiswyr i ofyn am gyngor gan eu cyngor cyllido cyn cyflwyno cais am RPL.

Caiff eithriadau i'r uchod eu cymeradwyo fesul achos gan yr Is-bwyllgor Matriciweiddio.

3. TROSGLWYDDO CREDYDAU

Gellir dyfarnu credyd penodol ar gyfer rhaglenni sy'n rhan o radd/cymhwyster addysg uwch sy'n dwyn credydau, y mae'n rhwydd cymharu eu lefel, eu safon academiaidd, eu cynnwys a'u deilliannau dysgu â dyfarniad cyfatebol ym Mhrifysgol Abertawe.

Mae'n rhaid bod lefel a chynnwys astudiaethau blaenorol yr ymgeisydd yn cydweddu'n briodol â'r modiwlau mae'n ceisio eithriad ar eu cyfer, yn enwedig mewn perthynas â modiwlau craidd/gorfodol. Mae'n rhaid i'r Tiwtor Derbyn sicrhau bod y dysgu sy'n deillio o'r astudiaethau blaenorol hyn cyfwerth â'r dysgu y gallai'r ymgeisydd fod wedi'i gyflawni drwy ddilyn y rhaglen astudio lawn. Fodd bynnag, mae hi hefyd yn bosib paru modiwlau dewisol yn rhaglen Prifysgol Abertawe pan fydd y lefel yn gyfwerth ond mae'r cynnwys yn wahanol.

Fodd bynnag, rhaid i ymgeiswyr nodi na ellir gwarantu eithriad rhag credydau'r rhaglen astudio dan sylw ym Mhrifysgol Abertawe ac ni fydd o reidrwydd yn adlewyrchu'n uniongyrchol werth/lefel y credyd cyffredinol a neilltuir i'w cymhwyster presennol/blaenorol gan y corff dilysu, e.e. gall fod yn llai.

Yn gyffredinol, ni chaiff eithriadau eu dyfarnu ar gyfer rhaglenni/cymwysterau a ddyfarnwyd pum mlynedd neu fwy cyn dyddiad cofrestru ar gyfer y rhaglen astudio arfaethedig. Byddai'n cael ei ystyried fel eithriad lle byddai'r ymgeisydd yn gallu darparu tystiolaeth gefnogi sy'n amlinellu ffyrdd o gyflawni dysgu drwy'r rhaglen/cymhwyster a roddwyd ar waith yn weithredol a'u diweddarau yn ystod y pum mlynedd diwethaf.

Fel arfer, ni chaiff eithriadau eu cymeradwyo lle mae myfyriwr eisoes wedi bod yn gofrestredig ar gymhwyster ac wedi methu rhan ohono a bellach yn dymuno gael ei dderbyn unwaith eto am yr un dyfarniad neu ddyfarniad tebyg.

Ystyrir ceisiadau am eithriad gan fyfyrwyr sydd wedi astudio yn Abertawe o'r blaen ac wedi gadael â Thystysgrif neu Ddiploma Israddedig neu Ôl-raddedig ac sy'n dymuno dychwelyd i gwblhau'r radd, ond nid gan y rhai sydd wedi derbyn dyfarniad ymadael ar sail methiant academaidd.

Derbynnir credydau sydd wedi cyfrannu at ddyfarniad llawn os yw'r dyfarniad blaenorol yn cael ei fforffedu a'r dystysgrif yn cael ei dychwelyd i'r sefydliad dyfarnu (lle bynnag y bo modd).

3.1 Proses ymgeisio

Os yw ymgeiswyr yn ansicr a yw eu hastudiaethau blaenorol yn ddigonol o ran cyfwerthedd â'r cymhwyster ym Mhrifysgol Abertawe maent yn hawlio credyd ar ei gyfer, dylent gysylltu â Thiwtor Derbyn y rhaglen dan sylw am drafodaeth anffurfiol cyn cyflwyno cais i drosglwyddo credydau.

Cyfrifoldeb yr ymgeisydd yw cyflwyno tystiolaeth i gefnogi ei gais i drosglwyddo credydau. Mae'n debygol y bydd tystiolaeth ategol yn cynnwys trawsgrifiad academaidd a maes llafur y rhaglen, ond bydd y Tiwtor Derbyn perthnasol yn cynghori'r ymgeisydd ar y ddogfennaeth sy'n ofynnol.

a. Ceisiadau gan israddedigion am "Fynediad Uniongyrchol" i flwyddyn 2 (neu flwyddyn 3)

Dylai ymgeiswyr israddedig sydd am gyflwyno cais am fynediad uniongyrchol i flwyddyn 2 rhaglen nodi eu blwyddyn mynediad ddymunol yn yr adran 'pwynt mynediad' ar y ffurflen gais UCAS/On Track ac anfon tystiolaeth ategol i'r Swyddfa Dderbyn.

Os yw ymgeisydd yn gofyn am fynediad uniongyrchol i flwyddyn 2 neu 3 ar ei ffurflen gais, bydd y Swyddfa Dderbyn yn gwneud asesiad cychwynnol o'r ffurflen fel arfer ac yn amlygu'r wybodaeth ynghylch pwynt mynediad ar gyfer sylw'r Tiwtor Derbyn. Os nad oes digon o dystiolaeth ategol o astudiaethau blaenorol yr ymgeisydd, dylai'r Swyddfa Dderbyn roi gwybod i'r Tiwtor Derbyn a dylid gofyn i'r ymgeisydd ddarparu tystiolaeth ychwanegol.

Cyfrifoldeb Tiwtor Derbyn y rhaglen yw asesu a chymeradwyo ceisiadau am fynediad uniongyrchol i flwyddyn 2 y rhaglen (neu flwyddyn 3 rhaglen gradd gychwynnol uwch 4 blynedd). Mewn amgylchiadau eithriadol, gellir ystyried cais am fynediad uniongyrchol i flwyddyn olaf rhaglen gradd israddedig, yn amodol ar gymeradwyaeth y Tiwtor Derbyn a'r Is-bwyllgor Matriciwleiddio.

Nid yw mynediad uniongyrchol yn briodol ond ar gyfer y rhai sy'n ceisio eithriad, ar adeg cyflwyno cais, o flwyddyn/lefel gyfan rhaglen israddedig.

b. Ceisiadau i drosglwyddo credydau ar gyfer modiwlau unigol

Dylai ymgeiswyr gwblhau'r ffurflen gais safonol ar gyfer y rhaglen (e.e. UCAS, Apply etc.) **a'r** Gydabyddiaeth o Ddysgu Blaenorol: Ffurflen trosglwyddo credydau; gan amgáu tystiolaeth ategol berthnasol (fel arfer, trawsgrifiad ffurfiol a maes llafur).

Gall cymryd hyd at 6 wythnos i brosesu ceisiadau i drosglwyddo credydau a bydd y Swyddfa Dderbyn yn ysgrifennu at yr ymgeisydd i'w hysbysu am y canlyniad.

3.2 Dosbarthiadau Gradd

Ni chaiff marciau credydau a drosglwyddwyd o sefydliad Addysg Uwch arall yn y DU eu defnyddio i gyfrifo dyfarniad. Rhoddir dosbarth i'r dyfarniad drwy ddefnyddio'r credydau a ddilynwyd ym Mhrifysgol Abertawe.

4. CYDNABYDDIAETH O DDYSGU BLAENOROL TYSTYSGRIFEDIG/DRWY BROFIAD

Er mwyn dyfarnu eithriad ar sail dysgu tystysgrifedig blaenorol neu ddysgu blaenorol drwy brofiad ar gyfer rhaglenni sy'n destun gofynion proffesiynol statudol neu reoleiddio, bydd angen bodloni gofynion penodol. Dylai ymgeiswyr ofyn i'r Tiwtor Derbyn perthnasol am gyngor pellach.

4.1 Proses ymgeisio

Anogir ymgeiswyr sydd am gyflwyno cais ar sail Achrediad ar gyfer Dysgu Tystysgrifedig Blaenorol neu Ddysgu Blaenorol drwy Brofiad i gysylltu â Thiwtor Derbyn y rhaglen dan sylw am drafodaeth anffurfiol cyn cyflwyno cais.

Cyfrifoldeb yr ymgeisydd yw cyflwyno tystiolaeth i gefnogi ei gais i drosglwyddo credydau Cydnabyddiaeth o Ddysgu Blaenorol.

Caiff ceisiadau am ddysgu tystysgrifedig blaenorol neu ddysgu blaenorol drwy brofiad eu hasesu'n unigol. Mae'n rhaid i ymgeiswyr ddangos eu bod wedi cyflawni profiad dysgu perthnasol. Gallai hyn fod drwy un neu fwy o'r canlynol, i'w benderfynu gan y Tiwtor Derbyn perthnasol:

- a. ymgymryd ag un neu fwy o asesiadau cymeradwy ar gyfer pob modiwl (gallai hyn fod ar ffurf asesiadau safonol neu arholiadau atodol); neu asesiadau wedi'u dylunio a'u cymeradwyo'n benodol etc.); neu
- b. gyflwyno portffolio o dystiolaeth i ddangos ei fod wedi cyflawni deilliannau dysgu'r modiwl(au) ac adfyfrio personol gan yr ymgeisydd am sut mae'r profiad wedi cynyddu ei ddealltwriaeth o'r maes pwnc perthnasol: gall hyn gynnwys cadarnhad gan reolwyr llinell o'r disgrifiad swydd/cyfrifoldebau'r swydd a galluoedd yr ymgeisydd.

Bydd y Coleg yn cynnal asesiad cychwynnol i benderfynu a oes gan yr ymgeisydd ddigon o brofiad perthnasol i gwblhau portffolio.

Bydd y Coleg yn sicrhau bod ymgeiswyr am achrediad ar gyfer dysgu tystysgrifedig blaenorol neu ddysgu blaenorol drwy brofiad sy'n cael cynhyrchu portffolio yn derbyn cyngor digonol ynghylch yr hyn sy'n ofynnol cyn dechrau'r gwaith (strwythur, nifer y geiriau etc). Byddant yn cefnogi'r ymgeisydd (o fewn terfynau penodol) i gynhyrchu ei

bortffolio.

Bydd y Coleg yn hysbysu ymgeiswyr am achrediad ar gyfer dysgu tystysgrifedig blaenorol neu ddysgu blaenorol drwy brofiad am unrhyw offer asesu ychwanegol a ddefnyddir wrth asesu eu ceisiadau (e.e. cyfweiliadau, profion diagnostig, aseiniadau arbennig).

Bydd y Coleg yn sicrhau bod ymgeiswyr yn llwyr ymwybodol o ofynion cais am achrediad ar gyfer dysgu tystysgrifedig blaenorol neu ddysgu blaenorol drwy brofiad cyn cyflwyno cais a'u bod yn deall nad yw cwblhau portffolio yn gwarantu y caiff eithriad ei roi.

Ar ôl i'r portffolio gael ei gyflwyno, bydd y Coleg yn penderfynu a yw'r dystiolaeth a ddarparwyd yn dangos bod ymgeisydd wedi cyflawni deilliannau dysgu'r modiwlau yn Abertawe mae'n ceisio eithriad ar eu cyfer a bydd yn gwneud argymhelliad ynghylch achrediad ar gyfer dysgu tystysgrifedig blaenorol/dysgu blaenorol drwy brofiad i'r Is-bwyllgor Matriciwleiddio.

Gall ceisiadau achrediad ar gyfer dysgu tystysgrifedig blaenorol/dysgu blaenorol drwy brofiad gymryd hyd at 10 wythnos i'w cwblhau.

4.2 Ffioedd a chostau

Codir ffi weinyddol am geisiadau am achrediad ar gyfer dysgu tystysgrifedig blaenorol/dysgu blaenorol drwy brofiad fesul modiwl
– 10% o ffi'r modiwl, waeth a yw'r cais yn llwyddiannus ai peidio.

4.3 Dosbarthiadau Gradd

Fel arfer dyfernir gradd llwyddo/methu i achrediad ar gyfer dysgu tystysgrifedig blaenorol/dysgu blaenorol drwy brofiad yn hytrach na marc.

Dim ond y marciau ar gyfer modiwlau a astudiwyd yn Abertawe a ddefnyddir i gyfrifo dosbarth y radd, ac nid y credydau drwy achrediad ar gyfer dysgu tystysgrifedig blaenorol/dysgu blaenorol drwy brofiad

Lle cydnabyddir blwyddyn israddedig gyfan, bydd y datganiad canlynol yn ymddangos ar y trawsgrifiad. "Caniatawyd eithriad o gam cynnar y rhaglen astudio drwy gredyd, ar sail astudio mewn sefydliad arall, cymhwyster blaenorol neu brofiad gwaith perthnasol."

Yn achos achrediad ar gyfer credydau unigol (llai na blwyddyn gyfan), byddai nifer y credydau'n ymddangos ar y trawsgrifiad.

5. FFŪOEDD DYSGU

Polisi cyfredol y Brifysgol yw lleihau ffioedd dysgu myfyriwr yn ôl cost unrhyw fodiwlau sy'n cael eu heithrio drwy Gydabyddiaeth o Ddysgu Blaenorol (ond, gweler 4.2 uchod am daliadau ar gyfer ceisiadau am achrediad ar gyfer dysgu tystysgrifedig blaenorol/dysgu blaenorol drwy brofiad). Mae'r Brifysgol yn cadw'r hawl i adolygu'r polisi hwn ar unrhyw adeg. Os bydd cais ymgeisydd am achrediad ar gyfer dysgu blaenorol yn llwyddiannus, caiff cost unrhyw fodiwlau sy'n cael eu heithrio ei didynnu o'i ffioedd dysgu.

Fodd bynnag, os bydd yr ymgeisydd yn disgwyl penderfyniad ynghylch cais i Gydabod Dysgu Blaenorol ar adeg cofrestru, bydd rhaid iddo dalu'r ffi ddysgu lawn yn brydlon. Os dyfernir credyd tuag at radd iddo wedi hynny, bydd yn derbyn ad-daliad am unrhyw fodiwlau sy'n cael eu heithrio.

Bydd Gwasanaethau Academaidd (Cyllid Myfyrwyr) yn cyfrifo unrhyw ostyngiad yn y ffioedd dysgu ar ôl i'r Swyddfa Dderbyn anfon llythyr penderfyniad at yr ymgeisydd a chaiff ei gofnod myfyriwr ei ddiwygio i adlewyrchu hyn.

6. APELIADAU

Ni fydd y Brifysgol yn ailystyried penderfyniad ynghylch Cydnabod Dysgu Blaenorol lle mai'r unig sail dros geisio apêl yw'r ffaith bod yr ymgeisydd yn anghytuno â'r farn academaidd sy'n sail i'r penderfyniad, a lle nad oes unrhyw dystiolaeth na ddilynwyd y gweithdrefnau cywir. Ni fydd unrhyw rwymedigaeth ar y Brifysgol i ystyried apêl am yr unig reswm bod yr ymgeisydd yn anfodlon derbyn y penderfyniad gwreiddiol i beidio â dyfarnu credyd a'i fod am wrthdroi'r penderfyniad hwnnw.

Ni chaiff ymgeiswyr sy'n cyflwyno ceisiadau aflwyddiannus i Gydabod Dysgu Blaenorol ofyn i'r penderfyniad gael ei adolygu ond ar sail tystiolaeth ychwanegol nad oedd ar gael ar adeg y cais, neu os oes dystiolaeth na ddilynwyd y gweithdrefnau cywir. Er enghraifft, os bydd yr ymgeisydd yn dod o hyd i ddogfennaeth ychwanegol sy'n berthnasol i'w astudiaethau tystysgrifedig blaenorol ac yn cefnogi ei gais. Dylid cyflwyno cais ysgrifenedig i'r penderfyniad gael ei adolygu'n ffurfiol i'r Swyddfa Dderbyn.

Mae rhagor o gyngor ar gael ym Mhennod B6 Côt Ansawdd Addysg Uwch yr Asiantaeth Sicrhau Ansawdd (QAA).